



**Jöbia ai 14 de setember,
Esaltaziun dla Santa Crusc**

ales 07:30 prozesciun da San Linert sö La Crusc,
ales 09:30 santa messa
dales 10:00 ales 15:00 ores d'adoraziun,
ales 15:00 benedisciun y conclujiun.

Le lift da La Crusc é en funziun dales 08:30 ales 17:30.

1 **enformaziuns y termins**

Oraziun da Taizé: la proscima oraziun de Taizé ven tignida en vendres ai 15 de setember ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

Uniun dai Ei: l'Uniun dai Ei Val Badia envieia düc i ei y i jogh en vendres ai 29 de setember da tó pert ala prozesciun con linternes o cianderes da Badia sö Oies; an peia ia ales 19:30 da dljia de Badia demez.

ASC Mareo: desco belo i agn passés met da jí le ASC Mareo – seziun palé encuntades de sport, divertimont y movimont por mituns y mitans dles prömes trei classes dla scora elementara (nia por chi co soga belo te na squadra U 10). Al gnará pité de vigne sort de jüc y divertimont por sté adöm te en grup y fá movimont alaleria. I alenamont metará man en jöbia ai 28 de setember y jará ennant cina ai 26 de otober (por endöt 9 iadi), entres de lönesc y de jöbia dales 15:15 ales 16:30 ca. tal ciamp dal sport "Ciamaor". L'iscriziun pó gní fata diretamonter ta Ciamaor pal pröm apuntamont. Da paí sarál endöt 50,00 € a möt/möta. Por informaziuns pón contaté Mutschlechner Marco, ☎ 338 4274261.

**Signore,
insegnaci a contemplarti nella bellezza del creato
e risveglia la nostra gratitudine
e il nostro senso di responsabilità.**

Papa Francesco 1.9.2017

Döt le bun a: Giuseppe Ploner 12.09.1930
Maria Notburga Fiung Rives, San Martin 12.09.1936
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



**Plata dla Ploania
La Pli de Mareo
Santa Maria dal Bun Consei**

Ploan: **Signor Heinrich Perathoner**
E-mail: **ploania@gmx.net**

Calogna Al Plan: **0474 501006**
Radio de Ploania: **93,00 Mhz**



VAL BADIA
www.unitepastorala.org

Respogne önn por l'ater

 **Ez 33, 7–9 | Rom 13, 8–10 | Mt 18, 15–20**

Dal Vangelo do San Mateo:

Te chel tomp á Gejú dit a sü discepu: ¹⁵Sce to fre fej picé, spo va da d'el y amonéscele sot a cater edli! Te metel averda, spo aste davagné to fre. ¹⁶Ne te metel nia averda, spo tól con te önn o dui ei, deache vigne cossa mess gní fata fora söla parora de dui o trei testimoni. ¹⁷Ne ti metel gnanca averda a chi, spo ti al díjeste ala comunité. Ne ti metel gnanca averda ala comunité, spo déssel ester por te desco n pagan o n publican. ¹⁸Amen, i ves diji: Döt, ci ch'i lieis söla tera, chel sará ince lié tal ci, y döt, ci ch'i deslieis söla tera, sará ince deslié tal ci. ¹⁹Ennant ves diji: Döt, do ci che dui de os preia deboriada söla tera, ciarafái da mio Pere co é tal ci. ²⁰Deache olache dui o trei é abinés te mio ennom, danló sunse iu amesa ei ete.

I ponsun do


*Sce d'atri é te dificoltés dijunse ienn: „Cösc n'é nia mio problem! Atló mo tegni fora!”
Cösc deida val iade pro che l'ater ciafi so tru,
mo al ô ince dí che nos n'orun nia se ciarié sö i
problems dai atri. Gejú endere se cherda a
sorantó responsabilité por la santité dla dljia y
responsabilité önn por l'ater; y al se dij ince,
co che i podun respogne a cösc invit.*



I periu

Beldio, to Fi s'á sorandé la responsabilité önn por l'ater. Deidesse tó pert ai fistidi y ales dificoltés dla jont co vir y laora con nos. Por Crist, nosc Signur.

Wilhelm Egger "Sonntagsbibel"

 **Letöres dla 24. domegna ia por l'ann:**

Sir 27, 30 – 28, 7 | Rom 14, 7–9 | Mt 18, 21–35

Edema liturgica dai 10.09. ai 17.09.2017

DOM 10.	23. domegna ia por l'ann FESTA DAI IUBILEI DA NOZA	<i>fešta dla Consacraziun dai doms da Porsenú y Balsan, Theodard</i>
08:30	gran messa de ringraziamont en onú de Santa Maria dal Bun Consei por i iubilars da noza y söes families ♫ <i>grup de stromonc</i>	<i>oferta por l'Istitut Vinzentinum</i>
10:00	s.m. a Al Plan	
Lön 11.	<i>Felix y Regula, Helga, Ludwig</i>	
07:30	s.m. a Al Plan	
Ded 12.	<i>Ennom de Santa Maria, Guido (patron dai moni)</i>	
07:30	s.m. de ringraziamont dles families Trebo, Zelé s.m. por vis y defonti de Albert Rubatscher, Festl	
Dem 13.	<i>Jan Crisostomus, Notburga, Tobia</i>	
18:00	s.m. a Al Plan	
Jöb 14.	fešta dl'Alzada dla crusc , Cornelius	
19:30	s.m. por i nüc Karin Mühlmann y Martin Flöss s.m. d'aniversar por † Nazio Erlacher, Cargá s.m. por defonti Ritsch, Tomele da Rara	
Ven 15.	<i>memoria dai set dolurs de Maria, Dolores, Ludmilla, Melitta</i>	
19:30	zelebrazium dla Parora de Dio	
Sab 16.	<i>Cornel y Cyprian, Julia, Edith</i>	
07:30	s.m. d'aniversar por † Emilia Kastlunger, Alnei s.m. por fam. Andrea y Erica Daverda, Corterei	
18:00	s.m. <i>prefestia a Al Plan</i>	
DOM 17.	24. domegna ia por l'ann	<i>Hildegard da Bingen, Robert Bellarmin</i>
08:30	gran messa por döta la ploania	<i>oferta por i debojügnis dla ploania</i>
10:00	s.m. a Al Plan	
<i>ampola:</i>	por les families Vollmann, Slugher	
<i>ministronc:</i>	▶ da doman y domegna: Nadia Trebo y Eliane Pedevilla ▶ da sera y domegna: Alexander Comploi y Thomas Ellecosta	
<i>i recordun:</i>	Rosa Mühlmann ved. Pompanin, Kastelruth Nazio Erlacher	+ 11.09.2010 + 12.09.2012

La storia dla creaziun, cuntada ai mituns (10)



La storia dla creaziun
pó pordert gní scritta ennant,
cina al dedaencö, cina a te!

Deache Chelbeldio t'á cherié ince te,
avisa ensciö desche t'es.

Y dessogü dijel ince a te:
„lu t'á ienn ensciö!“

*I t'aodi che te cresci desco n len con raîsc sotes
co ciafa söa forza tla tera, olach'al cresc.*

*I t'aodi che te vegni desco n len
co s'adateia ales sajuns de söa vita
co floresc y porta früc do le freit dal invern.*

*I t'aodi che te ciafi to post sön cösc monn,
che döta la creaziun te ralegreii,
che tö te comporti bun y con responsabilité
con les porsones che te encuntes te töa vita
y ince con tiers y plantes co é encer te ia.*



Vita de ploania y de paisc



**Le matrimone é n punt co mess gní fat sö vigne de
da nö, da entrames les perts.** Ulrich Beer

La ploania ti fej a düc i per de nosta comunité co recorda sü **25, 30, 35, 40, 45
y 50 agn de matrimone** les miús aodanzas de fortuna y benedisciun por i agn
co á da gní: **Idio sii graziont co Os y Ves benedesci!**

Oraziun dal dé: *Periun! Signur Idio, t'as acompagné chisc iubilars por i bor' y i bi
dis de tan d'agn de vita matrimoniala, fá che so amur cresci tres deplü y ch'ai pói
vire ciamó trec agn deboriada. Por nosc Signur Gejú Crist, to Fi, co é Dio y vir y
regneia con te t'unité dal Spirit Sant por düc i secui dai secui. – Amen.*

- **Conzert:** la Musiga envieia al conzert dai **Jogn dla Musiga en sabeda ai 16 de setember** ales 20:00 sön paiun o, en cajo de bor tomp, te Ciasa dles Uniuns.
- **Scizeri:** i Scizeri envieia düc i interessés a na jita **sön i fostüs dla pröma vera**, adöm ales atres valades ladines, dal Ju de Valparola sön Col de Lana, **en domegna ai 17 de setember** (metri de deslivel ca. 550, destanza endöt ca. 11 km, tomp da jí endöt ca. 5 ores). Da se tó empara val da mangé y da bere. An s'endüna ales 8:30 sö dal museum de Valparola.